

Ze barri?

U R L A T I K L A N D E T A R A

ESKORIATZA ETA LEINTZ GATZAGA / Egubakoitza / 2004ko irailaren 24a / 179. zenbakia

KOORDINATZAILEA: Zuriñe Velez de Mendizabal • Durana 11 20550 ARETXABAETA • Tel.: 943 79 86 21 • Faxa: 943 77 18 54 • Posta elektronikoa: zebarri@goiena.com • Lege gordailua: SS200/99

Intxaurtxuetako etxebizitza sozialak datorren urterako amaitzea espero dute

ZURIÑE VELEZ DE MENDIZABAL

Intxaurtxuetan errenta sozialeko 16 etxebizitza ari dira egiten. Lan horiek nola dauden ikustera etorri zen astelehenean Javier Madrazo. 2003ko abenduan hasi zituzten lanak eta datorren urteko abenduan amaitzea espero dute.

Astelehenean, irailak 20, Intxaurtxueta auzoan egiten dabilzan babes ofizialeko etxeetako lanak ikustera etorri zen Javier Madrazo sailburua.

Ekainean zozketatu zituzten etxebizitzak. Guztira 16 etxe egin ziren arren, 13 banatu ziren orduan. Eskoriatza, Gatzaga eta Aramaioko biztanleek hartu zuten parte zozketan.

ERRENTA SOZIALEKO ETXEAK

Errenta soziala ordaindu behar-ko dute etxea alokatzen dutenek; edonola ere, prezioak ez du euren diru-sarreraren %30 gaintu behar. Bai etxebizitza arruntak eta baita babes ofizialekoak erosteko ere, diruz txarren dabilzanez zuzenduta daudela eman du aditzera Etxebizitza eta Gizarte

Gaietako sailburuak. "Eusko Jaurjaritzaren eta Udalaren arteko lankidetzaren ondorio dira errenta sozialeko etxe hauek". Bi zati izan ditu proiektuak: lehenengoa 1998.urtean amaitu zen, 16 etxe ziren, baina erosteko eskubidea ematen zitzaien orduan zozketan parte hartu zutenei.

Hogeita bat lagunek eman zuten ekaineko zozketarako ize-

na. Lanak ondo joanez gero, 2005eko abendurako amaitzea espero dutela eman zuten aditzera asteleheneko ekitaldian.

BIZIGUNE PROGRAMA

Bestalde, Bizigune programari buruz egin zuen berba sailburuak, eta Udalak herrian hutsik dauden etxeen eta programan parte hartu gura dutenen errola egin duela goraiatu zuen. "Ez da derrigor eraikitzen jarraitu behar", hutsik dauden etxeei erabilera emateko aukera premiazkoa dela ikusten du Udalak.

Juan Carlos Bengoa Eskoriatzako alkateak laguntza eskatu zion Javier Madrazori. Izan ere, etxebizitza sozialen inguruan gertatzen diren iruzurrak zaintzea eskatu zion alkateak sailburuari. Eta hark erantzun zuen azpijokoen kontra buru-belarri dabilzala, mota horretako etxeek gainpreziorik izan ez dezaten, esate baterako. Eusko Jaurjaritzaren eta Eskoriatzaren arteko lankidetzarekin jarraitzeko konpromisoa hartu zuten bi aldeetako ordezkariak. Hala, gaur egun dagoen etxebizitzaren arazoari aurre egiteko asmoa azaldu zuten.

Etxe bat erosteko zailtasuna dutenei aukera eman gura diete errenta sozialaren bidez

Hutsik dauden etxeak berreskuratzea funtsezkoa ikusten du Udalak



Sonia Samaniego Etxebizitza eta Arkitektura Zuzendaria Madrazorekin batera.



Autobidearen lehenengo harria jarri dute

Irailaren 16an, Eskoriatzatik igaroko den AP-1 autobidearen lehen harria jarri zuten. Besteak beste, Ramon Rabanera eta Joxe Joan Gonzalez de Txabarri egon ziren bertan. Baina ezin ahaztu autobideak kaltetutako elkarteak ordezkariak ere. Ekitaldian, bi ahaldun nagusiek hitza hartu zuten eta kaltetutakoak ez ziren oso konforme geratu, esaterako, alegazioei buruz ezer esan ez zutelako. Oraindik negoziatzen dihardutela gogoratu dute. /Z.V.M.

LABUR

Martitzenean jasoko dute landaguneetako plastikoa

Plastiko bilketa egingo dute oraingo hilean ere. Hala, base-ri inguruetan sortutako plastikoa jasoko dute. Hilaren 28an, martitzena, izango da hondakinak ateratzeko eguna. Orain arte bezala, Zarimuzko bidegurutzean utzi behar-ko dira plastikozko zatiak. Siloa estaltzeko, belar bolak egiteko, negutegietan eta ortuan lurra estaltzeko erabiltzen den plastiko beltza jasoko dute; baita negutegiko plastikozko zuria ere. Plastikozko sokarik ez dutela bilduko adierazi dute arduradunek.

GRIPLEAREN KONTRAKO TXERTOIA

Eskoriatzarrak hasi dira gripearari aurre egiteko neurriak hartzen

ZURIÑE VELEZ DE MENDIZABAL

Gripearren kontrako txertatze kanpainak gaixotasuna prebenitzea du helburu. Astelehenean hasi zen eta urriaren 31n bukatuko da. Batez ere 65 urte baino gehiagoko lagunei zuzenduta dagoen arren, diabetiko eta gaixo kronikoei ere gomendatu diete hartzea.

Udazkenarekin batera, gripea hartzeko aukerak handitu egiten dira. Horren ondorioz, sukarra, ezutula, kongestioa, eztarriko minak... izaten dira. Hori ekiditeko, abian da, urtero bezala, gripearren kontrako txertatze kanpaina.

65 URTEZ GORAKOAK

Gripeak jende asko eta asko gaitzen du urtero. Egoera ikusita, prebentzioa da gripearari aurre egiteko modurik onena, eta horretarako, txertoa baino gauza eraginkorragorik ez dago. Astelehenean jarri zuten abian kanpaina, eta, batez ere, 65 urtez gorako herritarrentzat da. Izan ere, zahartzaroan kutsatzeko aukera handia egoten da, gorpuzaren defentsak ez baitira gaztaroan bezala egoten. Hala, 65 urtetik gorakoek nahikoa dute nortasun agiria edo banakako osasun txartela eraman.

Bestalde, diabetiko eta gaixo kronikoei zuzendutako kanpaina



Ez da bakarrik jende nagusientzako kanpaina; defentsaz pattal daudenei ere zuzenduta dago.

ere izan gura du. Azken batean, defentsekin makal egoten dira osasun egoera horretan daudenak. Horiek familiako medikua-

rengana joan beharko dute txertoa hartzera. Bertan beharrezko txartela hartu eta, hala, txertoa hartzeko aukera izango dute.

Bestalde, adituen esanetan, txertoa hartzeaz gain, elikadura orekatua izateak ere asko laguntzen du gripea saihesten.

TELEFONOJAKINGARRIAK

ESKORIATZA	
Udaletxea.....	943 71 44 07
Udal bulegoak.....	943 71 45 32
Udaltzaingoa.....	943 71 44 07
Euskaltegia.....	943 79 21 68
Kultura etxea.....	943 71 46 88
Gizarte laguntzailea.....	943 71 31 36
Kirol etxea.....	943 71 53 28
Liburutegia.....	943 71 31 35
Luis Eceiza.....	943 71 53 56
Arizmendi ikastola-Jose Arana.....	943 77 20 25
Arizmendi ikastola-Almen.....	943 77 20 25
Museo Eskola.....	943 71 54 53
Axtroki.....	943 71 54 34
HUHEZI.....	943 71 41 57
Osakidetzak.....	943 71 44 52
Telesko.....	943 71 49 17
Taxiak.....	943 71 40 59

BESTELAKOAK	
Eskualde ospitalea (Arrasate).....	943 00 53 00
Gurutze Gorria (Bergara).....	943 76 55 76
Ertzaintza (Arrasate).....	943 79 71 99
Suhiltzaileak (Oñati).....	943 79 28 00
Renfe (Zumarraga).....	943 72 15 15
Renfe (Gasteiz).....	945 23 20 30
PESA (Arrasate).....	902 10 12 10
Larrialdiak (Arrasate).....	943 77 10 43
SOS Deiak.....	112

OHARRAK

IRAILEKO AZKEN IKASTAROA

Irailaren 27tik urriaren 1era Kzguneko Nagusiweb ikastaroko eskolak emango dituzte. Asteko egun guztietan, 09:00etatik 11:00etara.

PATINAJE IKASTAROA

Helduentzako patinaje ikastaroko bigarren eskola emango dute domekan, hilak 26a. 10:30tik 12:00etara hastapen mailako txanda izango da; eta sakontze mailako txanda, berriaz, 12:00etatik 13:30era.



Gustora egoteko!

Intxaurtxueta 8
ESKORIATZA
943 71 40 63



bedardenda

Tel.: 943 71 43 27
ESKORIATZA

**TOKI
ALAI
TABERNA**

**Karajiloetan
espezializatua**

Tel.: 943 71 47 29
ESKORIATZA

Ze barri?

**Izan zaitetz zeu
ere berriemaile!**

Zure taldearen,
auzoaren, elkartearen...
gaineko informazioa
emateko, deitu gurera!


943 79 86 21

**Txalaparta
taberna**



Aranburuzabala 25
ESKORIATZA

BERALAN




KRISTALDEGIA

**Markoztatze
profesionala
prezio ezin hobean!**

Herriko plaza 8, behea • Aretxabaleta • 943 79 81 78 / 670 997 274

Markoztatzea



Villar
Ile apaindegia

Olazar auzoa 9
Tel.: 943 71 50 42
ESKORIATZA

AZKOAGA
ESTANKOA

943 71 48 77
Zure
Zerbitzura

Giro bikaina nagusi zapatuan Gatzagan ospatutako Erretiratuen Egunean

ZURIÑE VELEZ DE MENDIZABAL

Narciso Beitia eta Satur Berrostegetak jaso dute aurten ere Erretiratuen Eguneko omenaldia. Zapatuan egin zuten ospakizuna, eta ekitaldira joandako 29 lagunek primeran ibili direla eman dute aditzera. Bazkalostean, guztientzako opariak banatu zituzten.

Festak amaitu ziren arren, ospakizunekin jarraitzen dute gatzagarrek. Iragan zapatuan, irailak 18, Erretiratuen Eguna ospatu zuten Gatzagan. Aurten ere ez dute hutsik egin, eta omenalditxo egin diete herriko nagusienei. Bazkaria egiteko ohitura dute Gatzagan, eta primeran pasa zutela adierazi digute eguneko protagonista guztiek.

Urtero egiten dute ekimena. Aurten ere, mahaiaren inguruan eseri aurretik, txikiteoa egin zuten herriko nagusiek. Zerbait edan eta Toki-Eder elkartera joan ziren, Gatzagain jatetxeak egindako bazkariak gozatzera.

“Oso ondo bazkaldu dugu”, eman dute aditzera otorduan elkartutako 29 parte-hartzaileek. Guztiek jaso zuten opariren bat edo beste; arkatx eta boligrafo kutxatila bana eman zieten.

Bestalde, zozketa bidez oparia jaso zuenik ere egon zen; bi bas-



Bapo bazkaldu ondoren, opariak banatu zituzten parte-hartzaile guztientzat.

ASTELEHENKO GOIENKARIA

toi eta liburu sortak banatu zituzten. Azkenik, urteroko ohiturari jarraituz, parte-hartzaile zaha-

rrenek omenaldia jaso zuten zapatuan. Iaz bezala, aurten ere Satur Berrostegeta eta Narciso Beitia

izan dira omenduak. Saturri lore sorta eta lepo-zapia eman zizkionten opari; bastoi eta diru-zorroa,

berri, Narcisori. Ziur probetxua aterako dietela jasotako erregaluei! Zorionak, guztioi!

Dorletako Santutegiko ateak maiatzera arte itxiko dituzte hilabete barru

Z.V.M.

Santutegia maiatzetik urri amaierara zabalik egoten da. Neguko hilabeteetan, berriz, herriko elizan egin ohi dute elizkizuna. Hilabete inguru geratzen da ateak itxeko; baina neguan ere, bisitaren bat edo beste jasoko du Santutegiak.

Dorletako Santutegiko ateak itxeko hilabete geratzen da gutxi gora-

behera. Izan ere, urriko azken domekan ateak itxiko ditu datoren urteko maiatzera arte.

Jendea, batez ere, eliza zabalik dagoenean, ezkontzera joaten da Santutegira. Tere Aranburuzabala elizako kontuez arduratzen den gatzagarra da, eta jakinarazi duenez, “itxita egoten den garaian ere jende ugari etortzen da. Ezkontzaren bat edo beste egiten da neguan, eta Turismo Bulegora herria ezagutzeko

asmoz gerturatsen diren bisitariari, atea irekitzen zaie, esaterako”. Baina hala ere, ez da udaberri eta udako bisitari kopurua gaintzen.

Azarotik maiatzera bitartean, beraz, ez da mezarik esango Dorletan. Horren ordez, herriko elizan bilduko dira. Hala ere, oraindik Santutegira meza entzuztera, ezkontzera edo tokia ezagutzera joan gura dutenek ateak irekita aurkituko dituzte.



Jende asko gerturatu ohi da Santutegira; ezkontzeko erakargarria da tokia.

ARTXIBOA

- Sukaldeko tresneria
- Lapiko lasterrak
- Zartagin eta paella-ontzi

Aingeru ibiltokia 3
Tel.: 943 71 41 31 Eskoriatza 20540

LENIZ, C.B. KONPONKETAK

TXAPA, MARGOA eta MEKANIKA

Aingeru ibiltokia z/g. • Tel.: 943 71 50 61 • Eskoriatza



MIRENTXU
TABERNA

Kafe goxoa hartzeko
Tel.: 943 71 41 67



KURTZEBARRI BHI

Derrigorrezko Bigarren Hezkuntzako Institutua

Laster ate irekien jardunaldia

Herriko plaza 1
Tel./Faxa: 943 79 57 40
012945aa@hezkuntza.net


**ONDO PASA
SAN MIGELAK!**



Basabe poligonoa B0, B1, B2
Aretxabaleta
35 posta-kutxa
Tel.: 943 79 88 64
Faxa: 943 79 19 30
rubberlan@euskalnet.net



Ondo pasa San Migeletan!



Zorionak Aretxabaletar guztioi!

Altzariak

Diseinua

Apainketa

Mobiliario
ARENAZA

Bizkaia 1 ARETXABALETA Tel.: 943 79 08 07